



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06, 51/09), člana 69. Statuta Općine Centar Sarajevo ("Službene novine Kantona Sarajevo" 35/10), člana 6. Pravilnika o realizaciji projekta „Mreža centara za zdravo starenje” Općine Centar Sarajevo, broj:13-34-1838/25 od 08.01.2026. godine, Odluke o pokretanju postupka javnog poziva, broj: 13-11-37/26 od 09.01.2026. godine, Općinski načelnik raspisuje:

JAVNI POZIV NEVLADINIM ORGANIZACIJAMA ZA REALIZACIJU PROJEKTA MREŽA CENTARA ZA ZDRAVO STARENJE OPĆINE CENTAR SARAJEVO

I CILJ PROJEKTA

Cilj navedenog projekta je unaprijeđenje kvaliteta života osoba treće životne dobi kroz promociju zdravih stilova života, socijalne uključenosti, aktivnog starenje, međugeneracijske solidarnosti, volonterizma, uključenju osoba treće životne dobi u zajednicu i društvu, te prevenciju socijalne isključenosti.

Sredstava koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II FINANSIJSKA SREDSTVA

Ukupno planirana sredstva za ovu namjenu u Budžetu Općine Centar Sarajevo iznose 170.000,00 KM. Projektni prijedlozi za pojedine lokacije podržat će se u slijedećim iznosima:

- Centar za zdravo starenje u ulici Maršala Tita broj 12 minimalni iznos sredstava iznosi 35.000,00 KM, a maksimalni iznos 70.000,00 KM;
- Centar za zdravo starenje u ulici Patriotske lige do broja 46 minimalni iznos sredstava iznosi 35.000,00 KM, a maksimalni iznos 70.000,00 KM;
- Centar za zdravo starenje u ulici Soukbunar broj 203 minimalni iznos sredstava iznosi 15.000,00 KM, a maksimalni iznos 30.000,00 KM.

Dodijeljenim sredstvima finasirat će se administrativni troškovi u maksimalnom iznosu od 30% ukupne vrijednosti odobrenog projekta i projektni troškovi i vidljivost minimalno 70% ukupne vrijednosti projekta.

Općina zadržava pravo da poništi Javni poziv u slučaju da prijedlozi projekata ne zadovoljavaju zadate kriterije, kao i pravo izmjene iznosa odobrenih sredstava u skladu sa budžetskim sredstvima.

III AKTIVNOSTI CENTARA

Podnosioci zahtjeva u svojim projektnim prijedlozima treba da ponude najmanje slijedeće aktivnosti:

- a) Edukativne radionice i predavanja;
- b) Rekreativne i sportske aktivnosti prilagođene osobama treće životne dobi;
- c) Radionice ručnog rada, kreativne radionice i društvene igre;
- d) Kulturne i međugeneracijske aktivnosti;
- e) Promocija volonterizma;
- f) Radionice o zdravlju, ishrani i prevenciji bolesti;

- g) Realizaciju jednodnevnih izleta u prirodi,
- h) Obilježavanje značajnih datuma (međunarodnih, državnih i vjerskih).

IV PRAVO NA DODJELU SREDSTAVA

Predlagač projektnog prijedloga, za sredstva koja se dodjeljuju putem ovog Javnog poziva mogu biti nevladine organizacije:

- a) osnovane i registrovane u skladu sa pozitivnim propisima;
- b) koje imaju sjedište na području Općine;
- c) u čijem je fokusu rad u oblasti promocije zdravlja i socijalne uključenosti osoba treće životne dobi i koje imaju najmanje 5 godine iskustva u realizaciji sličnih projekata,
- d) koje ne obavljaju aktivnosti u ime političke partije,
- e) koje su blagovremeno podnijele izvještaje o utrošku prethodno dodijeljenih sredstva iz Budžeta Općine.

Nevladine organizacije podnose posebne projektne prijedloge za svaku od utvrđenih lokacija, a u skladu sa sredstvima predviđenim javnim pozivom.

V MJESTO IMPLEMENTACIJA I DUŽINA TRAJANJA PROJEKTA

Projekat će biti implementiran na području općine Centar, u objektima u kojima su smješteni Centri za zdravo starenje Općine Centar Sarajevo i to na lokacijama: MZ-e Marijin Dvor – u ulici Maršala Tita broj 12., MZ-e Koševo II – u ulici Patriotske lige do broja 46 i MZ-e Soukbunar – u ulici Soukbunar broj 203.

Projekat će biti implementiran u trajanju od 12 mjeseci od okončanja procedure javnog poziva, a najduže do 31.01.2027. godine.

VI PREUZIMANJE DOKUMENTACIJE

Dokumentacija i informacije vezane za prijavu na Javni poziv za Općinu Centar Sarajevo može se preuzeti sa službene web stranice Općine www.centar.ba.

VII POTREBNA DOKUMENTACIJE

Prijava na javni poziv podnosi se u pisanoj formi na utvrđenom obrascu, koji je elektronski popunjen i sadrži:

- a) projektni prijedlog sa planiranim budžetom i narativnom opisanim specifikacijama troškova,
- b) dokazi o kompetencijama osoba koje će biti angažovane na realizaciji projektnih aktivnosti (CV)
- a) aktuelni izvod iz registra nadležnog organa u kojem je registriran podnosilac prijave (ne stariji od 6 mjeseci),
- b) uvjerenje o poreznoj registraciji podnosioca projekta (identifikacijski broj),
- c) uvjerenje o poreznoj registraciji indirektnih poreza (ukoliko je korisnik u sistemu PDV-a),
- d) uvjerenje o izmirenim poreskim obavezama ili sporazum o odgođenom plaćanju ili plaćanju u ratama dužnih javnih prihoda,
- e) godišnji finansijski izvještaj (FIA obrazac – Bilans stanja i Bilans uspjeha) za posljednju poslovnu godinu za koju je finansijski izvještaj dostupan u trenutku podnošenja prijave,
- f) potvrda poslovne banke da račun nije blokiran iz koje se vidi broj transakcijskog računa - ne starija od tri mjeseca od dana objave javnog poziva.

Uz dokumentaciju predaju se protokolirane, ovjerene i potpisane slijedeće izjave:

- da podnosilac zahtjeva nije u sukobu Interesa u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“ br. 35/22, 44/22 i 55/22);
- da su opravdana sredstva dodijeljena iz Budžeta Općine Centar u prethodnim budžetskim godinama;
- o neobavljanju aktivnosti u ime političkih partija.

VIII POSTUPAK DODJELE SREDSTAVA

Prijave na javni poziv razmatra Komisija za ocjenu i odabir projekata koju će rješenjem imenovati Općinski načelnik. Neće se razmatrati projektni prijedlozi nevladinih organizacija koji nisu dostavljeni u roku koji je definisan Javnim pozivom, koji ne sadrže potpunu i validnu dokumentaciju te koje nisu pravdale namjenski utrošak ranije dodijeljenih sredstava.

Komisija za ocjenu i odabir projekata će u roku od 8 dana od dana zatvaranja javnog poziva sačiniti preliminarnu listu o dodjeli sredstava nevladinim organizacijama za finansiranje/sufinansiranje projekta koja će nakon verifikacije od strane Općinskog načelnika, biti objavljena na web stranici. Svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Nevladine organizacije mogu u roku od 8 dana od dana objavljivanja preliminarne liste podnijeti pismeni prigovor Komisiji za razmatranje prigovora, koju će posebnim rješenjem imenovati Općinski načelnik, a koja će u roku od 3 dana od dana njegovog podnošenja odlučiti o istom.

Odluka o dodjeli sredstava objavljuje se na web stranici Općine Centar Sarajevo. Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovorenih strana.

IX TRAJANJE JAVNOG POZIVA I NAČIN PODNOŠENJA ZAHTJEVA

Popunjena aplikacija sa kompletnom dokumentacijom dostavlja se u jednom (1) primjerku u štampanoj formi u zatvorenoj koverti, sa naznakom „**Za Javni poziv za realizaciju projekta „Mreža centara za zdravo starenje“ Općine Centar Sarajevo - Ne otvarati prije zvaničnog otvaranja**“, preporučenom poštom ili na protokol Općine od ponedjeljka do petka, na adresi ulica Mis Irbina 1, 71 000 Sarajevo.

Rok za predaju aplikacija je **26.01.2026. godine**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Svi aplikanti koji su predali prijedloge projekata, koji su prihvaćeni ili odbijeni, će biti obaviješteni u pisanoj formi o odluci u vezi sa njihovim prijedlogom projekta u roku od 8 dana od dana zatvaranja javnog poziva.

Zainteresirane nevladine organizacije detaljne informacije o načinu pisanja, predaje i bodovanja projekata, te druge relevantne podatke mogu pronaći u Uputstvo za podnosiocima prijedloga projekata u okviru Javnog poziva.

Pitanja po Javnom pozivu mogu se uputiti na e-mail: nvo@centar.ba

Broj: 13-11-37-1/26
Sarajevo, 09.01.2026. godine

Općinski načelnik

Srđan Mandić